

مدیر ابن السری
احمد جودت

مؤسس: ابن السری
مصطفی نامق

آشیان

ادبی، علمی، سیاسی، اجتماعی، فنی، اخلاقی هفته‌ای مجموعه در.

پنجشنبه

ایکونجی جلد

نومرو ۱۹

برنجی سنه

۲۸ ذی الحجه ۱۳۲۶

۸ کانون ثانی ۱۳۲۴

مذرات

کرید ایچون	خلیل نهاد	روح مندور	تحسین باجید
دفع کدر	جناب شهاب الدین	غفل دررادر	مصطفی نامق
خیالنه سوراشرکن	علی سعاد	قلندر	
اهام غزالی	احمد فرید	اخلاقی سیامی	سرور جمال
		غنور	مشتاق


استانبول

محل اداره سی: چغل اوغلندره اداره مخصوصه

چغل اوغلندره اباسوفیا جاده سند و طبعه خیریه: دشرک

۱۳۲۴





کرید ایچون

پایتختك صوف و عناصر مختلفه سنه منسوب بيوك، كوچوك، اركك،
قادين بيكلرجه و بيكلرجه خلق اللرنده رنكارنك بايراتلر اولديني حالده پرهيجان،
وطن نشيدهلري اوقويهرق اردو اردو، لجه لجه كچيورلر. جاجا داوول زورنا
سسلري، ياشاسون اتحاد، ياشاسون دونما، ياشاسون عسكەر، ياشاسون عدالت...
ندالري، آل شاقيرديلري طبقات هواييه يي چاك چاك ايدييور. بيتمز
توكنمز قافلر، برر سيل خروشان كبي شهرك هر طرفندن تهايككه، شوق ايله
سريع ومتوال، آقوب كليور، يكديكرينه اتحاق ايدرك مهيب، معظم،
محتشم بركتله واحد حماسه صورتنده يورييور، سلطان احمد ميدانه
دوغري كيدييور..

عجبا نصل برحس مشترك بتون قابلري براشديرهرك بوحركت پرمهبايه
سبب اولمش؟ - هيج برحس ايله قابل قياس اوليان حس علوي وطنپرورانه!
أوت، ايكي بحق عصردن زياده بر زمانديري وطن عثمانينك اك معزز، اك
قيمتدار برجزئي اولان كريدك يونانستانه الحاق اولونه جفته دائر شوكونلرده
دوران اتمكه باشلايان شايعه لره قارشى نهايت برفوران غيظ و تهويله عصيان ايدن
حيات عموميه ملت! ايسته خاق، بويله برسائق مقدسه توداع نفس ايدرك
حقه، عدانته، مدنيتها قطعياً مغاير اولان بوتجاوز منفوره بتون موجوديت
مليه ليله اعتراض ايتك، هر قبضه خاكي اجداد عظامك، حق بابالرينك،
قرداشلرينك خون شهادت ليله شمر بو سو كيلى آطه يي قانلرينك اك صوك
دامله سنى صرف ايدنجيه قدر اوغراشمه دن، پنجه اشمه دن دشمنلره ترك ايدنه
ميه جكني برعه بد و پيمان عمومى ايله اعلان ايله مك ايچون بوميدانده طويلا نيور.
طبيعت بيله بوامل عال العالى تقديس ايتش، قيش اورته سنده ايلك بهاردن
نمونه نما اوله جق بر هواي صاف و براق ايله عرض لطافت ايدرك پارلاق

کونشنک پرزیب و فرا بتساماتی قطره قطره بوکتیه رخشان مفعزرتک اوزرینه
ریزان ایلور..

کونش، قر، ییلدزلر! آلتی آی اولنه کلنجه یه قدر بیچاره، صاحبسز،
حامیسز وطنمک ساکت، لاقید محرمان مظلومیتی! زواللی ملت، هرکون،
هرکیجه آلام واکدار بی حسابی بونلردن بشقه سنه افشا ایدمزدده! بونلرک
رشحات انوارینی بتون استعداد صدری ایله ایچمکه چالیشه رک انجیق بوصورتله
روح عطشان و نالانی بردرجه یه قدر تسکینه چاره ساز اوله بیلیردی!

ای کونش، ای مالکک سما، صاچ! سیننه حرورکده قاینشان بتون نورلرکی
برشلاله شفقت صورتنده، ملک معزلرینک بر جزء مهمنی تخلیصه شتابان
اولمق آرزوی مقاومت ناپذیری ایله چواتق چوجق سوقاقلره دوکولمش اولان
بوشانلی ملتک اوزرینه عاطفته، سماحتله صاچ! او، بومکاناته اک زیاده بوکون
لایقدر.

الهی! شوسیل جوشان حسیات قارشیننده هانکی توت دورابیایر؟ بو،
طاغیری، قلعه لری خاگ ایله یکسان ایدمک برقوه دهاشه آهنین دکل دهنه در؟
بومظره هیبت کوستریبورکه شوشانلی مات، هیچ برتفنگی، طوپ، زرهلیسی
اولماسه، هردرلو معاونت ومظاهرتدن محروم بولونسه بیله، بتون بو توای
مادیه دن ده مؤثر اولان حمیت وطنیه لرینک سوقیله، ایجاب ایدرسه، دکرلر
اوزرندن یوزه یوزه، دالغله لری یاره یاره کیدرلر، اوسوکیلی اطه لرینی زور بازوی
شجاعتلریله بوغوشه بوغوشه، اوله اوله استرداد ایدرلر، دشمنلرینی
قهبر ایلرلر!

ایشته، ایشته بونی عالمه قارشی بی پروا اعلان ایدیورلر! «کری عثمانلیلر کدر!»
نقراتی برعزم و جزم دایرانه ایله سمالره رفیع ایلورلر. وایشته، نه خوش
تصادف، مازده ده اوکله اذاتی اوقومنه باشلایان مؤذن ده بوصاف و حارنقراته:
«اه اکبر!» نداسیله جواب ویریور. اوت، اه بیو کدر، عدالت ربانیه سنی
کوسترمه چکدر!

بویر قافله ناس دکل، عادتاً بردریای معظم! جوشان و خروشان، مواج

وېی قرار ، بو عظیم میدانی ترک اییدیور ، شکایات محقه سنی وکلای ملته ، باب
عالی یته تبایغه کیدیور .

ای اطه ! ای حاکمه مظلومه ابحار ! شو قهرمان ملت ، سنی دشمنلرک
پنجه غصندن قورتارمق املیه پرهیجان ، چیرینوب دوررکن ، بحرسفیدک
بی پایان امواجی ایله عصرلردنبری ییقاتماسنه رغماً حالا خون آلود اولان باشکی
قالدروبده اوکا برسلام تشکر کوندیریورمی ایدک ؟
- ۲۹ کانون اول ۳۲۴ -

خلیل نهاد



دفع کدر

بر محنت مؤبده اولمش بکا ندیم ؛
برجوی تاخ کریه روانده چاغلایور ؛
کوکلمده برکدورت جانسوز ومستدیم ؛
برایل بی صباخ غم وشيون آغلایور ؛

روحده بر خفیه مأیوسه یاش دوکر ؛
برخسته نک آتینی دلمدن روان اولور .
اک صاف بوسه لرده کی اک صاف نشوولر
آغلار دوداقلرمده بکا زهرجان اولور .

آهنک بحرموجه نما ، نفحه سما ،
آوازه طیور سراینده سحر ،
اصوات دلنواز شب وصلت وصفا
ایصال ایدر صباخه برنوحه کدر .